

AUGLÝSING

250

14. nóv.

um tilhögun á veitingu útflutningsleyfa fyrir gjafapökkum.

Ráðuneytið hefur ákveðið, að frá og með 15. þ. m. skuli Innflutnings- og gjaldeyrisdeild Fjárhagsráðs annast í umboði þess veitingu útflutningsleyfa fyrir gjafapökkum og öðrum vörum, sem ekki eiga að greiðast í erlendum gjaldeyri, sbr. reglugerð nr. 109 og auglýsingu nr. 110 6. sept. 1948.

Viðskiptamálaráðuneytið, 14. nóvember 1950.

F. h. r.

Þórhallur Ásgeirsson.

Yngvi Ólafsson.

SAMÞYKKT

251

14. nóv.

fyrir Ræktunarfélag Arnarneshrepps og Árskógshrepps.

I. KAFLI

Takmörk ræktunarfélagsins og markmið.

1. gr.

Búnaðarfélag Arnarneshrepps og Búnaðarfélag Árskógshrepps stofna með sér ræktunarfélag, er nefnist Ræktunarfélag Arnarneshrepps og Árskógshrepps. Félags-svæðið er Arnarneshreppur og Árskógshreppur í Eyjafirði.

2. gr.

Tilgangur samþykktarinnar er að annast eftirfarandi verkefni á félagssvæðinu:

1. Að ræsa fram land, sem nytja á sem tún, garða, engi eða bithaga.
2. Að vinna land, er nytja á sem tún eða garða. Nær það til plægingar, herfingar og jöfnunar landsins.
3. Að slétta engi svo að það verði véltækt. Framkvæmdum skal á hverjum tíma haga eins og fyrir verður mælt eða samþykkt af héraðsráðunaut eða trúnaðar-manni, er Búnaðarfélag Íslands samþykkir til að hafa á hendi undirbúning og umsjón með framkvæmd verksins.

II. KAFLI

Skipun og verksvið stjórnar.

3. gr.

Stjórn félagsins skal skipuð fimm mönnum, kjörnum þannig, að hvort búnað-arfélag kys 2 menn til tveggja ára og gengur sinn maður úr hvort ár, fyrst eftir hlutkesti. Fimmti maður í stjórninni skal kosinn á aðalfundi ræktunarfélagsins til tveggja ára og er hann oddamaður. Stjórnin skiptir að öðru leyti með sér verkum. Stjórnarnefndarmenn má endurkjósa. Varastjórn skal skipuð jafnmörgum mönnum, kosnum á sama hátt til jafnlangs tíma.

251

14. nóv.

Stjórn félagsins annast kaup og úttegum á nauðsynlegum vélum og verkfærum til skurða- og lokræsagerðar, en skylt er henni samkv. 9. gr. laga um jarðræktar- og húsagerðarsamþykktir í sveitum að hafa samráð við vélaneftnd ríkisins um kaup og val vélanna. Stjórnin sér um kaup á öllu því, er þarf til reksturs og viðhalds þeim vélum, er keyptar verða. Henni ber að hafa vélar og verkfæri tryggð fyrir fjárhæð, er svarar til verðgildis þessara eigna, eins og þær eru á hverjum tíma.

4. gr.

5. gr.

Stjórnin annast allan rekstur vélanna, og ákveður á hverjum tíma og í hverri röð verkefni eru tekin, sem unnið skal að.

6. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn, getur hún falið honum framkvæmdastjórn um daglegan rekstur.

7. gr.

Allir samningar, er stjórnin gerir fyrir hönd ræktunarfélagsins samkv. samþykktum þessum, eru skuldbindandi fyrir félagsheildina og hreppabúnaðarfélagin, er að samþykkt standa, án þess það hafi verið sérstaklega undir þau borið. Stjórn og framkvæmdastjóri bera ábyrgð gerða sinna fyrir umbjóðendum sína.

8. gr.

Stjórnin heldur aðalfund fyrir febrúarlök ár hvert, sameiginlega fyrir allt félagssvæðið. Skulu endurskoðaðir reikningar næstliðins árs lagðir þar fram til samþykktar. Þar gefur stjórnin skýrslu um starfsemina, svo og endurskoðendur, ef til efni gefst. Þar skulu einnig rædd önnur þau mál, er félagsskapinn varða. Lögmaður er aðalfundur, sé til hans boðað með nægilegum fyrirvara og $\frac{1}{4}$ félagsmanna mæti. Enda séu ekki gerðar breytingar eða niðurfelling á samþykktinni nema á fundi þar sem mættur er meiri hluti félagsmanna og samkv. 22. gr. samþykktarinnar.

III. KAFLI

Um tilhögun framkvæmda.

9. gr.

Skyld er stjórnnum hreppabúnaðarfélaganna, hvorri á sínu svæði, fyrir janúarlök ár hvert að skrá verkbeiðnir félagsmanna. Skal þar tilgreint hverjar jarðabætur óskað er að unnar séu á því ári, svo og verkmagn þeirra. Skýrslum þessum ber að skila til félagsstjórnar fyrir aðalfund ár hvert.

10. gr.

Að fengnum þeim skýrslum, er um ræðir í 9. gr., ber stjórn félagsins að semja starfs- og rekstursáætlun fyrir yfirstandandi ár. Rísi ágreiningur um veigamikil atriði framkvæmdaáætlunar ber að leggja hana fyrir aðalfund til samþykktar. Framkvæmdastjórn er skylt að framfylgja samþykkttri starfsáætlun eftir því, sem við verður komið.

11. gr.

Við undirbúning framkvæmdaáætlunar sé þess sérstaklega gætt:

1. Að þær jarðir, sem minnst véltækt land hafa, sitji fyrir vinnu, eftir því sem við verður komið, án þess að valda óhæfilegum kostnaði í flutningi véla og verkfæra.

2. Að túnasléttun sé að öðru jöfnu látin sitja fyrir öðrum ræktunarframkvæmdum. 251
3. Að land það, sem brjóta á til ræktunar, hafi verið ræst fram á fullnægjandi hátt, 14 nóv. að dómi héraðsráðunauts eða trúnaðarmanns Búnaðarfélags Íslands.
4. Að framræsla bithaga komi að jafnaði því aðeins til greina, að fullnægt hafi verið framræsluverkefnum vegna tún-, garð- og engjaræktar á þann hátt, að það tefji eigi jarðvinnsluna, svo að því marki verði náð, að allur heyfengur verði tekinn á vélfæru landi.

IV. KAFLI

Um verkákvarðanir og greiðslu kostnaðar.

12. gr.

Kostnaður við framkvæmdir, er í samþykkt þessari getur, greiðist af verkkaupanda. Heimilt er stjórn félagsins að láta greiðslur fara fram eftir áætluðum verktöxtum meðan verkið stendur yfir ár hvert, en fullnaðargreiðsla sé byggð á tilkostnaðarverði, eins og það verður samkvæmt rekstursreikningi hvers árs. Áætlaðir verktaxtar séu miðaðir við tímaæiningu.

13. gr.

Til reksturskostnaðar telst greiðsla vinnulauna, allur reksturskostnaður véla og greiðslur fyrningargjalds af þeim, kostnaður við flutning þeirra milli vinnustaða, viðhald véla, er stafar af eðlilegu sliti þeirra, geymslu vélanna, vaxtagreiðslur, kostnaður við verkstjórn og stjórnarkostnaður. Heimilt er félagsstjórn að leggja á framkvæmdakostnað áhættuþóknun, er nemi allt að 5% af heildarreksturskostnaði, er verja skal samkvæmt ákvæðum 15. gr.

14. gr.

Heimilt er félagsstjórn að taka að sér verkefni fyrir búendur, kaupfélög eða aðra aðila, þó þau falli ekki undir ákvæði 2. gr., ef sýnt þykir, að það sé hagkvæmt fyrir félagið, enda sé tryggt, að vélakostur sé ekki festur við þessi störf, svo að það brjóti í bága við hagsmunir samþykktaraðila.

15. gr.

Greiðsla fyrir vélavinnu fellur í gjalddaga jafnóðum og unnið er, eftir áætluðum vinnutaxta og sér stjórnin um innheimtu fjárisins. Mismunur áætlaðs verðs og raunverulegs, að loknum reikningsskilum, jafnast eftir að þeim er lokið. Hvert búnaðarfélag um sig ber ábyrgð á greiðslum fyrir félagsmenn sína.

16. gr.

Rekstursafgangur, er myndast af álagðri áhættuþóknun, ágóða af ákvæðisvinnu eða þeim verkum, er um getur í 14. gr., skal leggjast í stofnsjóð ræktunarfélagsins og varið samkvæmt ákvæðum þeim, er um hann gilda, sbr. 17. gr.

V. KAFLI

Fjáröflun og tryggingar.

17. gr.

Félagið myndar stofnsjóð að upphæð kr. 130000.00.

Stofnfjár skal aflað þannig:

1. Helmingur stofnfjárins er framlag framkvæmdasjóðs ríkisins, samkv. ákvæðum 9. gr. laga um jarðræktar- og húsagerðarsamþykktir í sveitum. Rennur það í stofnsjóð jafnóðum og styrkur er greiddur til vélakaupa félagsins.

- 251 2. $\frac{1}{4}$ hluti stofnfjárins skal lagður fram sem óafturkræft framlag af hreppabúnaðarfélagum þeim, er að samþykkt þessari standa, í þeim hlutföllum, er fyrir 14. nóv. er mælt í 18. gr., og $\frac{1}{4}$ hluti stofnfjárins er sameiginlegt stofnfjárlán, sem greiðist upp á fimm árum.
3. Auk þess leggjast í stofnsjóð árlega tekjur þær, sem inn koma samkv. ákvæðum 16. gr.

18. gr.

Stofnfjárframlag hreppabúnaðarfélaganna greiðist inn til félagsstjórnar, þá er samþykkt þessi hefur öðlzt gildi. Framlag hvors hreppsbúnaðarfélags skal greitt í hlutföllum við fasteignamat lands, og er óafturkræft.

VI. KAFLI

Um reikningshald og endurskoðun.

19. gr.

Reikningsár félagsins er almanaksárið og skal reikningsskilum lokið svo tímanlega, að endurskoðun geti farið fram áður en aðalfundur félagsins er haldinn.

20. gr.

Endurskoðendur séu tveir, kjörnir sinn af hvoru búnaðarfélagi til eins árs í senn. Þeir skulu kynna sér reksturinn sem bezt, og hafa eftirlit með starfrækslu stjórnarinnar í hvívetna. Varaendurskoðendur skal kjósa á sama hátt.

VII. KAFLI

Um breyting samþykktar og hvernig samþykkt verði úr gildi felld.

21. gr.

Tillögur, er fram kunna að koma til breytinga á samþykkt þessari, skal stjórn ræktunarfélagsins senda til hreppabúnaðarfélaganna, er að samþykktinni standa. Ber þeim að leggja tillögurnar fyrir almennan fund í félögunum til samþykktar. Að fenginni meiri hluta samþykkt í hlutaðeigandi búnaðarfélagum skal tillagan lögð fyrir aðalfund ræktunarfélagsins. Samþykki löglegur aðalfundur breytingarnar með að minnsta kosti $\frac{2}{3}$ atkvæðisbærra fulltrúa, skal stjórn félagsins senda breytingarnar Búnaðarfélagi Ísland, er leitar staðfestingar landbúnaðarráðherra á þeim.

22. gr.

Samþykktir þessar má því aðeins nema úr gildi, að aðalfundur félagsins samþykki það með $\frac{2}{3}$ greiddra atkvæða, enda komi samþykki landbúnaðarráðherra til.

23. gr.

Nú verður félagið leyst upp og skal þá öllum eignum þess skipt á milli Búnaðarfélaga Arnarneshrepps og Árskógshrepps í sömu hlutföllum og félögin greiddu stofnfjárframlagið í upphafi.

24. gr.

Með brot á samþykkt þessari skal farið sem almenn lögreglumál.

25. gr.

Samþykkt þessi gengur í gildi, er hún hefur verið staðfest af landbúnaðarráðherra.

Samþykkt þessi, sem er sett samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir

frá 20. febrúar 1946, staðfestist hér með til að öðlast gildi þegar í stað og birtist til **251**
eftirbreytni öllum þeim, er hlut eiga að máli. 14.

14. nóv.

Landbúnaðarráðuneytið, 14. nóvember 1950.

Hermann Jónasson.

Árni G. Eylands.

Staðfesting forsetans á skipulagsskrá fyrir „Minningarsjóð Hlifar Þórðardóttur **252**
hjúkrunarnema“, útgefin á venjulegan hátt ad mandatum af dómsmálaráðherra 15. 15. nóv.
nóvember 1950.

Skipulagsskráin er þannig:

SKIPULAGSSKRÁ

fyrir Minningarsjóð Hlífar Þórðardóttur hjúkrunarna.

1. gr.

Sjóðurinn heitir Hlífarsjóður.

2. gr.

Sjóðurinn er stofnaður af Katrínu Pálsdóttur og vinum hennar.

3. gr.

Stofnfé sjóðsins er kr. 3500.00 — þrjú þúsund og fimm hundruð krónur —.

4. gr.

Sjóðurinn skal vera í vörzlu SÍBS, er ávaxtar hann.

5. gr.

Hlutverk sjóðsins er: að styrkja berklasjúklinga og aðstandendur þeirra, samkvæmt nánari fyrirmælum 6. gr.

6. gr.

Stjórn sjóðsins veitir árlega styrk úr sjóðnum, eftir því sem umsóknir, að hennar dómi, gefa tilefni til. Umsóknir um styrki skulu koma frá stjórnnum sambandsdeilda-
anna, eftir að þær hafa kynnt sér hvar styrkja er frekast þörf. Ekki er sjóðsstjórn-
inni skylt að úthluta öllum árstekjum sjóðsins í hvert sinn. Myndist á þann hátt
tekjuafgangur, skal hann geymast þar til sjóðsstjórnin telur þörf á aukinni úthlutun.

Ekki er stjórninni heimilt að skerða upphaflegt stofnfé sjóðsins, kr. 3500.00. Úthluta skal styrkjum í fyrsta sinn árið 1950 og síðan árlega, af tekjum síðastliðins árs.

7. gr.

Deildir sambandsins afla sjóðnum tekna á þann hátt, er vænlegast þykir að hverju sinni og skulu þær í því efni lúta foryztu sjóðstjórnar. Leita skal álits og samþykkis stjórnar SÍBS á öllum fjáröflunarleiðum, áður en hafizt verður handa í því efni.

8. gr.

Stjórn sjóðsins skal skipuð fimm mönnum, til eins árs í senn. Einum frá hverri eftirtalinna deilda: Sjálfsvörn Vífilstöðum, Sjálfsvörn Reykjalundi, Berkjavörn